

A.S. A

Broj:01-14-3675-29/19-LOT2
Sarajevo, 14.02.2020.godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, broj 39/14), na prijedlog Komisije za javne nabavke imenovane Rješenjem broj: 01-14-4174/19 od 26.12.2019. godine, u postupku javne nabavke Konkurentski zahtjev za dostavu ponuda za nabavku izvođenja molersko-farbarskih radova poslovnih prostorija Odsjeka i Grupa za pitanja evidencija iz oblasti vojne obaveze Ministarstva, federalni ministar za pitanja boraca i invalida odbrambeno- oslobodilačkog rata, donosi:

ODLUKU **o poništenju postupka javne nabavke za LOT 2**

Član 1.

Poništava se postupak javne nabavke Konkurentski zahtjev za dostavu ponuda za nabavku izvođenja molersko-farbarskih radova poslovnih prostorija Odsjeka i Grupa za pitanja evidencija iz oblasti vojne obaveze Ministarstva - za LOT 2 Izvođenje molersko-farbarskih radova poslovnih prostorija Ministarstva (Odsjek za pitanja evidencija iz oblasti vojne obaveze Bihać – ul. 501.slavne brigade 8, Bihać i Grupa za pitanja evidencija iz oblasti vojne obaveze Bosanska Krupa – ul. Trg Avde Ćuka 1, Bosanska Krupa), Obavještenje o nabavci broj: 746-7-3-46-3-16/19, koje je objavljeno na Portalu javnih nabavki dana 20.11.2019.godine, a iz razloga jer nijedna od primljenih ponuda nije prihvatljiva.

Član 2.

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav 6. Zakona o javnim nabavkama.

O b r a z l o ž e n j e

Postupak javne nabavke - Konkurentski zahtjev za dostavu ponuda za nabavku izvođenja molersko-farbarskih radova poslovnih prostorija Odsjeka i Grupa za pitanja evidencija iz oblasti vojne obaveze Ministarstva, pokrenut je Odlukom o pokretanju postupka javne nabavke broj: 01-14-3674/19 od 15.11.2019.godine.

Obavještenje o nabavci broj: 746-7-3-46-3-16/19 objavljeno je na Portalu javnih nabavki dana 20.11.2019.godine.

Ugovorni organ je na preporuku Komisije za javne nabavke donio Odluku o izboru najpovoljnijeg ponuđača za LOT 2 broj:01-14-3675-22/19 od 02.12.2019.godine, koja je dostavljena svim ponuđačima koji su dostavili ponude za LOT 2 (Colorex d.o.o. Mostar i Kula Mont d.o.o. Zenica).

Na osnovu zahtjeva za uvid u ponudu izabranog ponuđača od 09.12.2019. godine ponuđač Colorex d.o.o. Mostar dana 11.12.2019.godine izvršio je uvid u ponudu izabranog ponuđača Kula Mont d.o.o. Zenica za LOT 2.

Dana 16.12.2019. godine ponuđač Colorex d.o.o. Mostar izjavio je žalbu na Odluku o izboru najpovoljnijeg ponuđača za LOT 2 broj:01-14-3675-22/19 od 02.12.2019.godine.

Ugovorni organ uradio je izjašnjenje na navode žalbe broj: 01-14-3675-26/19-LOT2 od 18.11.2019.godine, te je isto u skladu sa članom 100. stav (5) Zakona o javnim nabavkama prosljedilo Uredu za razmatranje žalbi zajedno sa žalbom ponuđača „Colorex d.o.o. Mostar“, kao i kompletnu dokumentaciju u vezi sa postupkom javne nabavke.

Ugovornom organu je dana 10.02.2020.godine dostavljeno rješenje Ureda za razmatranje žalbi broj:JN2-03-07-1-1-3174-8/19 od 06.02.2020.godine, kojim se poništava Odluka o izboru najpovoljnijeg ponuđača za LOT 2 broj:01-14-3675-22/19 od 02.12.2019.godine i predmet vraća ugovornom organu na ponovni postupak.

Komisija za javne nabavke je u skladu sa Rješenjem Ureda za razmatranje žalbi izvršila ponovnu evaluaciju pristiglih ponuda za LOT2 i u skladu sa navedenim rukovodiocu Ugovornog organa dostavila zapisnik o ponovnom pregledu i ocjeni ponuda broj:01-14-3675-28/19 od 13.02.2020.godine.

Za LOT 2 ponude su dostavila dva ponuđača i to: ponuđač Colorex d.o.o. Mostar i ponuđač Kula Mont d.o.o. Zenica.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da niti jedan od 2 (dva) ponuđača ne ispunjavaju ekonomske uslove i zahtjeve ugovornog organa zbog čega nijedna ponuda nije prihvatljiva za ugovorni organ i ne može biti predmet vrednovanja shodno utvrđenom kriteriju „najniža cijena“ u Obavještenju o nabavci, odnosno konkurentskom zahtjevu.

Naime, shodno obavještenju o nabavci i tenderskoj dokumentaciji procijenjena vrijednost nabavke za Lot 2 iznosi 3.200,00 KM bez PDV-a.

Ukupna cijena ponuda ponuđača Colorex d.o.o. Mostar i ponuđača Kula Mont d.o.o. Zenica za LOT 2 je identična i iznosi 3.180,00 KM bez PDV-a.

Uzimajući u obzir naprijed navedeno, kao i činjenicu da nijedna od primljenih ponuda nije prihvatljiva, shodno članu 69. stav 2. pod d) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU:

Žalba na Odluku o poništenju postupka javne nabavke izjavljuje se URŽ-u, putem ugovornog organa u roku od 5 dana od dana prijema Odluke.



Dostavljeno:

1. Ponuđačima 2x
2. U spise
3. Arhiva